

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDNJOBOSANSKI
OPĆINA TRAVNIK
MJEŠTARSTVO

115A

PRIMLJENO			
10.08.2022			
Organizaciona jedinica	Klasifikaciona oznaka	Redni broj	Broj prijave
03			-

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINA TRAVNIK
MJESNA ZAJEDNICA TURBE**

Bosanska bb, 72283 TURBE - ŽIRO RAČUN 3386902246642626 – UNICREDIT BANK TRAVNIK
tel: 062 554 806 mail: mz.turbe@opcinatravnik.com.ba

Broj: 09/22

Datum: 09.08.2022.

U skladu sa članom 30. Statuta MZ Turbe od 22.03.2018.godine, a u cilju stvaranja uslova za uredno i detaljno evidentiranje potreba naseljenih mjesta, naselja i ulica koje pripadaju Mjesnoj zajednici Turbe, u funkciji predsjednika Savjeta MZ, utvrđujem

**SMJERNICE
za izradu Programa rada MZ Turbe**

I - UVODNI DIO

Mjesna zajednica Turbe je po površini, broju naseljenih mjesta, naselja i ulica i broju stanovnika jedna od najvećih, ako ne i najveća MZ općine Travnik, čemu u procesu evidentiranja aktuelnih problema i potreba stanovništva i projektovanju najboljih rješenja treba dati poseban značaj.

Druga važna činjenica koju u pomenutim procesima treba imati u vidu je ta da je Turbe centar Turbetske regije, na koji su sa svojim potrebama naslonjeni: Vlasički plato, Karaula, Potkraj, Goleš, Bjelo Bučje, Pulac i druga naseljena mjesta te regije.

S posebnom pažnjom treba posmatrati i činjenicu da je cijelo područje MZ Turbe bilo izloženo snažnoj agresiji, da su ljudski, privredni i svaki drugi potencijali u znatnoj mjeri uništeni, da privredni i infra-strukturni potencijali još uvijek nisu obnovljeni i da usljed masovnijeg naseljavanja Turbeta postoji potreba da se ti potencijali obnove i da se grade novi, te da se istovremeno stvore uslovi za normalan život i rad mještana.

Činjenica da država i Općina Travnik nemaju dovoljno sredstava da odmah i na svim mjestima riješi sve probleme građana nas obavezuje:

1. da pažljivo evidentiramo najaktuelnije probleme i potrebe stanovništva,
2. da realno i stručno formiramo naše prioritete i da dosljedno realizujemo te prioritete,
3. da posebnu pažnju posvetimo zaštiti izgrađene infrastrukture i druge imovine,
4. da podstičemo i pomažemo svaku vrstu građanske inicijative, koja za cilj ima zaštitu ili izgradnju infrastrukture u području MZ Turbe,
5. da ostvarimo dobar kontakt sa privrednicima, udruženjima građana i drugim MZ s ciljem da usljed zajedničkog interesa svi skupa radimo na uređenju i planskom razvoju Turbeta.

II - EVIDENTIRANJE PROBLEMA I POTREBA STANOVNIŠTVA

Planirano je da ovaj dio posla urade izabrani delegati Skupštine MZ i članovi Savjeta, ali u uskoj saradnji sa mještanima svih naseljenih mjesta, naselja i ulica u kojima su izabrani ili za koje su zaduženi, a prema slijedećim smjernicama:

1. kod evidentiranja problema i potreba stanovništva posebnu pažnju posvetiti problemu vodosnadbijevanja, izgradnji i održavanju puteva, izgradnji i održavanju kanalizacionih sistema, izgradnji i održavanju rasvjete, uređenju područja uz puteve, kopanju ili uređenju odvodnih kanala za sakupljanje i odvodnju oborinskih voda, izgradnji, uređenju i održavanju mezarja i groblja, bezbjednosti saobraćaja i mjerama kojima će se poboljšati ta bezbjednost, organizovanom ili pojedinačnom odlasku djece u školu i problemima koji se javljaju u toj organizaciji, zbrinjavanju napuštenih životinja, održavanju i uređenju šehidskih mezarja, održavanju i uređenju područja uz vjerske objekte, stvaranju uslova za razvoj privrede i vanprivrede, jačanju kapaciteta udruženja građana i drugim pitanjima važnim za život, rad i razvoj zajednice,
2. evidenciju problema i potreba stanovništva raditi posebno za svako naselje ili ulicu, a tamo gdje se ti problemi odnose i na druga naselja i ulice to naznačiti, da bi se u procesu usaglašavanja i projektovanja mogućih rješenja mogla obuhvatiti i ta naselja i ulice i da bi se problem i potreba adekvatno riješili,
3. prilikom evidentiranja problema i potreba navesti da li se do sada neko bavio tim problemom, u kojoj mjeri se bavio i da li su preduzete adekvatne mjere ili je potrebno nešto od toga mijenjati,
4. evidenciju problema ili potreba moguće je pisati i rukom (čitko), ali i elektronski na mail MZ Turbe, koji glasi: mz.turbe@opcinatravnik.com.ba;
Rok za dostavljanje evidentiranih problema i potreba stanovništva je 24.08.2022.godine.
5. po prijemu vaših evidencija i prijedloga Savjet MZ Turbe će iste razvrstati po vrsti iskazanog problema, a zatim će iste razmotriti i sačiniti Listu prioriteta za rješavanje aktuelnih problema MZ Turbe, koja će ući u Program rada MZ Turbe za naredni dvogodišnji mandat,
6. Program rada MZ Turbe, koji će sem ovog dijela obuhvatati i način rješavanja niza drugih problema i potreba stanovništva, udruženja građana, privrede i dr., formatiranje naseljenih mjesta, naselja i ulica i mjesnih područja, izmjene Statuta MZ Turbe razmatrat će Skupština MZ Turbe, koja će o tome dati konačan stav.

S poštovanjem!

Dostaviti:

- Predsjedniku i zamjeniku predsjednika Skupštine 2x,
- Delegatima skupštine 33x,
- Podpredsjednicima MZ 2x,
- Članovima Savjeta 8x,
- Službi za opću upravu i BIZ Općine Travnik,
- Načelniku Općine Travnik,
- Arhiva.

